



№ 01-19/463

„16“ „03“ 2014

ქ. ბათუმი

შპს „ჰიდრა“-ს დირექტორს
ბატონ ლევან იმედაძეს
ს.კ. 445 406 819
მის: ქ. ბათუმი, ადლიას ქ. N161

ბატონო ლევან,

როგორც მოგეხსენებათ აჭარის ავტონომიური რესპუბლიკის განათლების, კულტურისა და სპორტის სამინისტროსა და შპს „ჰიდრა“-ს შორის 2013 წლის 15 ოქტომბრის N309 სახელმწიფო შესყიდვების შესახებ ხელშეკრულებების საფუძველზე შპს „ჰიდრა“-ს მიერ აღებული იქნა ვალდებულება ხულოს მუნიციპალიტეტის სოფელ აგარის საჯარო სკოლის მშენებლობის საპროექტო-სახარჯთაღრიცხვო დოკუმენტაციის მოწოდებაზე.

შპს „ჰიდრა“-ს მიერ 2013 წლის 22 ნოემბერს წარმოდგენილი იქნა საპროექტო-სახარჯთაღრიცხვო დოკუმენტაცია, რომელიც აღმოჩნდა ხარვეზიანი. დოკუმენტაცია ხარვეზების გამოსასწორებლად დაუბრუნდა მიმწოდებელს. მიმწოდებელმა 2014 წლის 30 იანვარს წარმოადგინა კორექტირებული საპროექტო-სახარჯთაღრიცხვო დოკუმენტაცია, რომლის შემდეგ 2014 წლის 20 თებერვალს კვლავ იქნა წარმოდგენილი დაზუსტებული საპროექტო-სახარჯთაღრიცხვო დოკუმენტაცია. შესწავლის შემდეგ აღმოჩნდა, რომ დოკუმენტაცია კვლავ შეიცავს იგივე ხარვეზებს.

ზემოაღნიშნული ხელშეკრულების მოქმედების ვადა განისაზღვრებოდა 2013 წლის 31 დეკემბრამდე. 2013 წლის 26 დეკემბრის შეთანხმებით ხელშეკრულების მოქმედების ვადა გაგრძელდა 2014 წლის 31 იანვრამდე, ხოლო ხელშეკრულების ღირებულება მიმწოდებელს მიეცა ავანსად. 2014 წლის 30 იანვრის შეთანხმებით ხელშეკრულების მოქმედების ვადა კვლავ გაგრძელდა 2014 წლის 01 მარტამდე, ხოლო 2014 წლის 28 თებერვლის შეთანხმებით ხელშეკრულების მოქმედების ვადა გაგრძელდა 2014 წლის 07 მარტამდე. მიუხედავად ხელშეკრულების მოქმედების ვადის რამდენჯერმე გადაწევისა, მიმწოდებლის მიერ ვალდებულება სრულად ვერ იქნა შესრულებული.

გამომდინარე იქედან, რომ მიუხედავად მიწოდების ვადის გასვლისა და მრავალი გაფრთხილებისა მიმწოდებლის მიერ კვლავ არ არის შესრულებული ვალდებულება ჯეროვნად, ამასთან იწურება ხელშეკრულებისა და საავანსო გარანტიის მოქმედების ვადები, შემსყიდველის გადაწყვეტილებით ცალმხრივად ვწყვეტთ ხელშეკრულების მოქმედებას.

თქვენს მიერ წარმოდგენილი სს „საქართველოს ბანკი“-ს მიერ 2013 წლის 27 დეკემბერს გაცემული #ADV32109-13 საავანსო გადახდის საბანკო გარანტიის საფუძველზე ავანსის სახით მიღებული გაქვთ 3500 ლარი, რომელიც დაბრუნებული უნდა იქნას შემდეგ ანგარიშზე:

მიმღები: აჭარის ა.რ. რესპუბლიკური ბიუჯეტი;
მიმღების ბანკი: საქართველოს ფინანსთა სამინისტროს სახაზინო სამსახური;
ბანკის კოდი: TRESGE22;
ანგარიშის ნომერი: GE24 NB03 3010 0200 1650 22;
სახაზინო კოდი: 300923460;

(წინა წელს გამოუყენებელი და დაბრუნებული საბიუჯეტო სახსრები)

გადახდის დანიშნულება: ხელშეკრულება N309 15.10.2013 წ.
(შენიშვნა: გადახდის დოკუმენტში აუცილებლად უნდა ხელშეკრულების ნომერი და
თარიღი)

გამომდინარე იქედან, რომ საბანკო გარანტიის ვადა იწორება 2014 წლის 07 მარტს,
მოთხოვნა წარედგინება გარანტიის გამცემსაც.

ხელშეკრულების მიხედვით მომსახურების მოწოდების ვადა განისაზღვრებოდა 30
კალენდარული დღით, ანუ 2013 წლის 14 ნოემბრის ჩათვლით. ვადაგადაცილება შეადგენს
112 დღეს. შესაბამისად პირგასამტეხლო განისაზღვრება 392 ლარით.

პირგასამტეხლო გადახდილი უნდა იქნეს შემდეგ ანგარიშზე:

მიმღები: აჭარის ა.რ. რესპუბლიკური ბიუჯეტი;
მიმღების ბანკი: საქართველოს ფინანსთა სამინისტროს სახაზინო
სამსახური;

ბანკის კოდი: TRESGE22;
ანგარიშის ნომერი: GE24 NB03 3010 0200 1650 22;
სახაზინო კოდი: 300923287;
(შემოსავალი ხელშეკრულების პირობების დარღვევის გამო დაკისრებული
პირგასამტეხლოდან)

გადახდის დანიშნულება: ხელშეკრულება N309 15.10.2013 წ.
(შენიშვნა: გადახდის დოკუმენტში აუცილებლად უნდა ხელშეკრულების ნომერი და
თარიღი)


გთხოვთ, უმოკლეს ვადებში განახორციელოთ წინამდებარე შეტყობინებაში
მითითებული მოთხოვნები, წინააღმდეგ შემთხვევაში თქვენს მიმართ გატარდება
ხელშეკრულებითა და კანონმდებლობით გათვალისწინებული ღონისძიებები.

დანართი: მოხსენებითი ბარათი

პატივისცემით,

ვლადიმერ მგალობლიშვილი

მინისტრის მოადგილე



აჭარის ავტონომიური რესპუბლიკის განათლების,
კულტურისა და სპორტის სამინისტროს მინისტრის მოადგილეს
ბატონ ვლადიმერ მგალობლიშვილს

შტატგარეშე მოსამსახურე თამაზ ღომიძის

მოხსენებითი ბარათი

ბატონო ვლადიმერ,

შპს „ჰიდრა“-მ 2014 წლის 20 თებერვალს განმეორებით წარმოადგინა ხულოს მუნიციპალიტეტის სოფელ აგარის საჯარო სკოლის შენობის მშენებლობისათვის კორექტირებული საპროექტო-სახარჯთაღრიცხვო დოკუმენტაცია.

კორექტირებულ საპროექტო-სახარჯთაღრიცხვო დოკუმენტაციისადმი გამაჩნია შემდეგი შენიშვნები:

I. არქიტექტურული ნაწილი და საინჟინრო ქსელები

1. არ არის გათვალისწინებული ტერიტორიის კეთილმოწყობა;
2. არასრულყოფილია საინჟინრო ქსელების პროექტები, კერძოდ:
 - არ არის წარმოდგენილი სპეციფიკაციები;
 - არ არის წარმოდგენილი საქვაბე მეურნეობის შენობისა და საქვაბის ტექნოლოგიური პროექტები;
 - არ არის წარმოდგენილი გარე საინჟინრო ქსელების პროექტები.

II. პროექტის კონსტრუქციული ნაწილი

კორექტირების მიუხედავად ხარვეზები გააჩნია კონსტრუქციულ ნაწილს. კერძოდ:

-დასაბუთებას მოითხოვს შენობის კონსტრუქციული გადაწყვეტა (ანგარიშის სახით).

-სრულყოფილად არ არის წარმოდგენილი კონსტრუქციული ელემენტების კვანძები და დეტალები.

III. სახარჯთაღრიცხვო ნაწილი

საპროექტო (გრაფიკული) ნაწილის სრულყოფის შემდეგ შესამისად შეიცვლება დოკუმენტაციის სახარჯთაღრიცხვო ნაწილი.

პატივისცემით,

თამაზ ღომიძე

6.03.2014 წელი

